

III. OUTRAS DISPOSICIÓNS

CONSELLERÍA DE POLÍTICA SOCIAL E IGUALDADE

EXTRACTO da Orde do 9 de agosto de 2024 pola que se regulan as bases que rexerán o procedemento de concesión de axudas para o funcionamento e gratuidade da atención educativa das escolas infantís 0-3 e puntos de atención á infancia de titularidade municipal para o curso 2024/25, e se procede á súa convocatoria (código de procedemento BS420D).

BDNS (Identif.): 781870.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións (<http://www.pap.minhap.gob.es/bdnstrans/index>).

Primeiro. *Entidades beneficiarias*

1. Poderán optar a estas axudas os concellos da Comunidade Autónoma de Galicia que se encontren nos supostos seguintes:

a) Ter en funcionamento unha ou varias escolas infantís 0-3 ou un punto de atención á infancia da súa titularidade que dispoña de permiso de inicio de actividades para a prestación do servizo outorgado pola Consellería de Política Social e Igualdade.

b) Que a escola infantil 0-3 ou punto de atención á infancia pola que solicitan as axudas dispón da documentación que acredita que os nenos e nenas que asisten a ela/el seguen o calendario de vacinación infantil do Programa galego de vacinación, de acordo co establecido no artigo 48 da Lei 5/2021, do 2 de febreiro, de impulso demográfico de Galicia, e teñen a súa residencia na Comunidade Autónoma de Galicia.

c) Que a escola infantil 0-3 ou PAI para a/o cal se solicitan as axudas estea aplicando un réxime de prezos equivalente ao previsto no Decreto 49/2012, do 19 de xaneiro, polo que se aproba o réxime de prezos das escolas infantís 0-3 dependentes desta consellería.

d) Que o concello cumprise coa súa obriga de remisión das contas xerais de cada exercicio ao Consello de Contas, de acordo co estipulado no artigo 4 do Decreto 193/2011, do



6 de outubro, polo que se regulan especialidades nas subvencións ás entidades locais galegas.

e) Que o concello estea ao día no pagamento das liquidacións derivadas do réxime de cofinanciamento regulado no artigo 69 da Lei 2/2017, do 8 de febreiro, de medidas fiscais, administrativas e de ordenación.

2. Non se poderá obter a condición de entidade beneficiaria destas subvencións cando concorra algunha das circunstancias ou prohibicións sinaladas nos números 2 e 3 do artigo 10 da Lei 9/2007, do 13 de xuño.

Todos os requisitos e condicións exixidos se deberán cumprir na data en que finalice o prazo de presentación de solicitudes.

Segundo. *Obxecto e finalidade*

1. Esta orde ten por obxecto establecer, en réxime de concorrencia non competitiva, o procedemento de concesión de axudas económicas para escolas infantís 0-3 anos e puntos de atención á infancia de titularidade municipal (código de procedemento BS420D).

Estas axudas van dirixidas ao sostemento dos referidos centros de educación infantil 0-3 anos existentes e constan de dúas liñas: a liña 1, que financiará gastos de mantemento, e a liña 2, que compensará a aplicación dunha bonificación do 100 % do prezo correspondente á atención educativa e matrícula, de ser o caso, das prazas ocupadas polo alumnado de 0-3 anos.

O período subvencionable na liña 1 é o comprendido entre o 1 de setembro de 2024 e o 31 de xullo de 2025.

O período subvencionable na liña 2 é o comprendido entre o 1 de setembro de 2024 e o 31 de xullo de 2025 pola totalidade do alumnado para aqueles concellos que apliquen a dita bonificación.

2. Para os efectos da aplicación da bonificación do 100 % do prezo, entenderase por atención educativa o conxunto de atencións e coidados profesionais de carácter integral, prestados baixo unha perspectiva educativa, aos nenos e ás nenas durante a súa estada na escola infantil 0-3 ou punto de atención á infancia (en diante, PAI) segundo a modalidade de xornada pola que opten. A opción elixida implica a asistencia regular á escola infantil 0-3 ou PAI durante un máximo de 8 horas e un mínimo de 3 horas diarias, respectivamente.



Exceptúanse da actuación subvencionable o custo do servizo de comedor, as actividades extra á atención educativa, os materiais e calquera outro tipo de servizos e conceptos que supoñan un custo adicional cuantificable para a escola infantil 0-3 ou PAI.

3. Para teren dereito ás axudas reguladas nesta orde, os nenos e as nenas deben ter a súa residencia na Comunidade Autónoma de Galicia.

4. Para os efectos desta orde, considérase que as nenas e os nenos con necesidades específicas de apoio educativo ocupan dúas prazas. Neste caso, a axuda que resulte segundo o establecido neste artigo multiplicarase por dous.

Terceiro. *Bases reguladoras*

Orde do 9 de agosto de 2024 pola que se regulan as bases que rexerán o procedemento de concesión de axudas para o funcionamento e gratuidade da atención educativa das escolas infantís 0-3 e puntos de atención á infancia de titularidade municipal para o curso 2024/25, e se procede á súa convocatoria (código de procedemento BS420D).

Cuarto. *Financiamento*

1. Ás axudas obxecto desta convocatoria destínase un orzamento total de 7.713.400,00 euros, que se imputarán á aplicación orzamentaria 38.02.312B.460.01 coa seguinte desagregación:

Aplicación	Código de proxecto	Ano 2024	Ano 2025	Total
38.02.312B.460.01	2017.00127	1.127.272,00 €	1.972.728,00 €	3.100.000,00 €
38.02.312B.460.01	2020.00052	1.677.600,00 €	2.935.800,00 €	4.613.400,00 €
Total		2.804.872,00 €	4.908.528,00 €	7.713.400,00 €

2. De conformidade co disposto no artigo 31.4 da Lei 9/2007, do 13 de xuño, de subvencións de Galicia, e de acordo co previsto no 30.2. do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderase ampliar a contía máxima dos créditos dispoñibles cando o aumento veña derivado dunha xeración, ampliación ou incorporación de crédito e cando existan remanentes doutras convocatorias financiadas con cargo ao mesmo crédito ou a créditos incluídos no mesmo programa ou en programas do mesmo servizo. O incremento do crédito queda condicionado á declaración de dispoñibilidade como consecuencia das circunstancias sinaladas e, se é o caso, logo da aprobación da modificación orzamentaria que proceda. A



ampliación do crédito publicarase nos mesmos medios que a convocatoria, sen que implique a apertura de prazo para presentar novas solicitudes nin o inicio de novo cómputo de prazo para resolver.

Quinto. *Tipos de axuda e contía*

1. A convocatoria comprende unha liña 1, que financiará gastos de mantemento, e a liña 2, que compensará a aplicación dunha bonificación do 100 % do prezo correspondente á atención educativa e matrícula, de ser o caso, das prazas ocupadas polo alumnado de 0-3 anos.

2. A liña 1, referida a axudas para gastos de mantemento, ten como finalidade contribuír a compensar gastos que se produzan e/ou se aboan desde o 1 de setembro de 2024 ao 31 de xullo de 2025 en gastos de persoal, alimentación e outros gastos xerais do centro.

A contía da axuda para gastos de mantemento establecerase en función do número de unidades da escola infantil 0-3 ou do punto de atención á infancia autorizadas que estean en funcionamento na data en que remata o prazo de presentación de solicitudes, segundo os seguintes módulos:

Axuda anual segundo o número de unidades de escolas infantís 0-3 en funcionamento e puntos de atención á infancia

	Puntos de atención á infancia	Escola infantil 0-3 de 2 a 6 unidades	Escola infantil 0-3 de 7 a 14 unidades	Escola infantil 0-3 de máis de 14 unidades
Contía total por unidade en funcionamento	9.212,00 €	7.000,00 €	6.000,00 €	4.600,00 €

No caso de aumentar ou diminuír o número de unidades en funcionamento no curso 2024/25, o importe da axuda regularizarase no momento da xustificación.

De non estaren en funcionamento todas as unidades o ano completo, aplicarase unha redución proporcional ao tempo en que non se prestou o servizo.

3. As entidades beneficiarias titulares das escolas infantís 0-3 e puntos de atención á infancia ofertarán o servizo de atención educativa durante un mínimo de 8 horas diarias.

4. No caso de escolas infantís 0-3 ou PAI cun horario de apertura de 14 horas ou superior, a axuda por módulo incrementarase nun 25 %.



5. A liña 2 está destinada a compensar as entidades beneficiarias titulares destes centros pola aplicación dunha bonificación do 100 % do prezo correspondente á atención educativa e da matrícula, de ser o caso, dos/das nenos/as que asisten aos ditos centros.

As axudas pola aplicación da bonificación do 100 % do prezo da atención educativa estableceranse en función do número de prazas efectivamente ocupadas e terán unha contía equivalente á do prezo mensual que lle correspondería aboar á familia nunha praza pública segundo o previsto no Decreto 49/2012, do 19 de xaneiro, e durante un máximo de once (11) mensualidades.

As axudas pola aplicación da bonificación do 100 % do prezo da matrícula serán o equivalente ao recollido na correspondente ordenanza fiscal aplicable para o curso 2023/24, sen que en ningún caso poida superar os 100 euros.

6. A inasistencia do neno ou da nena usuarios da escola infantil 0-3 ou PAI durante un período de cinco (5) días sen xustificar dará lugar á súa baixa para a inclusión no programa da gratuidade na obtención da bonificación da liña 2.

7. No caso de traslados de centro unha vez comezado o mes, a axuda correspondente aboaráselle á entidade beneficiaria titular do centro en que se cause baixa.

Sexto. *Prazo de presentación de solicitudes*

O prazo de presentación das solicitudes será do 1 ao 30 de setembro de 2024. Cando o último día do prazo sexa inhábil, entenderase prorrogado ao primeiro día hábil seguinte. No caso de escolas infantís 0-3 ou PAI que obteñan o permiso de inicio de actividades con posterioridade á publicación desta convocatoria, o prazo de presentación de solicitudes será dun mes a partir da data de notificación do dito permiso e finalizará, en todo caso, o 30 de novembro de 2024.

Santiago de Compostela, 9 de agosto de 2024

Fabiola García Martínez
Conselleira de Política Social e Igualdade

